

28 20671/P
DE
VIRTUTE LOCI NATALIS
IN VEGETABILIA

1023
PRAESIDE
GEORG. RVDOLPH. BOEHMERO

PHIL. ET MED. D. ANAT. ET BOTAN. PROF. P. O.

H. T. ACADEMIAE RECTORE

PRO SUMMIS
IN ARTE MEDICA HONORIBVS
IMPETRANDIS

A. D. NOVEMBR. MDCCLXI.

DISVTA BIT

GOTTLOB FRIDERICVS DOERINGIVS

REICHENBACH. VARISCOVS

MEDICINAE CANDIDATVS



VITEBERGAE

PRELO EPHRAIM GOTTLOB EICHSFELD

ACADEMIAE A TYPIS.





§. I.



Locum natalem patriamque pro diuersa coeli, aeris, terrae et aquae constitutione insigniter variare, et climata multis modis inter se differre, ^{a)} non modo vno confitemur ore; sed et hanc varietatem aequè respectu prouinciarum et integrarum regionum, quam minorum tractuum, huius alteriusue loci, vrbis, syluae, et s. p. dari, vt concedamus necesse est. Datur praeter ea etiam naturalis quaedam sympathia inter locum et locatum, siue ea, quae vel sponte, vt naturalia, in loco quodam crescunt habitantque, vel vt artificialia ab hominibus perficiuntur. Et prout non omnia possumus

A

omnes

^{a)} Conf. doctissima tractatio, quam de differentia climatum, eorumque causis exhibuit PETER WARGENTIN in den Königl. Schwed. Acad. Abhandlungen 19. Band p. 159. et 239.

omnes, sic etiam non omnis fert omnia tellus; sed cui-
libet loco sua sunt propria. Homines et quoad mores
et ingenium, ^{b)} et quoad sanitatem morbosque ^{c)} ra-
tione

b) Quae res tanta visa fuit Academiae Cantabrigiensi, ut an. 1758. illam quaestionem, praemio promisso, proposuerit: *utrum di-
uersarum gentium mores et instituta, a diuerso earum situ ex-
plicari possent?* Homines ex regionibus, quas inhabitauerunt a
teneris, timidiores, audaciores, petulantioresque fieri, experi-
entia scimus. Pulchre etiam idem docuit GER. NIC. HEER-
KENS, dum scribit:

*Quo tibi cum populo, qua viuere contigit ora,
Saepe memor reputes, quisue medentis eget.
Italus ut sicco fere est corpore, sole perustus,
Sic alios mores Italus aeger habet.
Toruus Iber vultu, torua quoque mente superbit
Trux ideoque, gravis, lenia poscat, erit.
Gallus amabilior, vel si dolet, ore sereno,
Temagis, ut recrees, quam medeare vocet. cet.*

Vid. egregium Eius Poema de officio medici. Groening. 1752.
8. edit. p. 24.

c) Plura hac de re excitare possemus testimonia. Ita morbus in
nostra aliisque regionibus rarissimus, ferox nimirum mandibul-
ae inferioris infantum, recens natorum, conuulsio in Minorca
frequens esse solet. Vid. GEORG. CLEGHORN Observations on
the epidemical diseases in Minorca London. 1751. 8. p. 73. Ita
Nostalgia, non nullis populis propria, qua, ut OVIDIUS Trist.
III. Eleg. 3. v. 7. iam cecinit:

*Nec coelum patimur, nec aquis adsuesuimus istis,
Terraque, nescio quo, non placet ipsa, modo*

idem clare probat. Verum nolumus hic multa adducere, vni-
cum modo excitemus ROBERTVM WELSTEDIVM, qui libro
de

tionem loci natalis differre, immo animalia bruta ^{d)} singulari modo inde affici et mutari, luculentissimis comprobari posset testimoniis. Mineralia etiam pro diversitate locorum, et ratione propriae mixtionis, et ratione admixtorum multum discrepant, immo et suum

de Aetate vergente Londini 1724. 8. edit. p. 7. scribit. *Non inficiandum, commodam vel incommodam hominum valetudinem a regionibus plurimum dependere, non solum ubi nascuntur, verum etiam ubi a teneris annis educati fuerunt, ideoque plures videmus, quorum valetudo secunda gradatim confirmatur hac vel illa peregrina regione, qui dum in patria commorarentur, imbecilliores fuerant. Plerosque sane adolescentes regiones frigidae magis iuvant, et per pauci sunt, quos ardentia sub sole climata non enervant, aut celerius, quam par est, maturant.*

d) Ita e. gr. Viperas ubique terrarum non aequè venenatas esse scimus, et ELIAS CAMERARIUS Dissert. Taurinens. Tubing. 1712. edit. p. 21. scribit, *se viperam, omnibus modis irritatam, coegisse repetita vice ad mordendum canem, etiam adactis in ventrem eius dentibus, nullo inde malo cani eveniente.* Analogum quid BAGLIVIVS aliique in Tarantulis notarunt, magna inter Apuliam, Neapolim, Romamque observata differentia, nec tam funesto in his ultimis locis observato euentu. Italicos Scorpiones pro innoxiiis habuit REDI, magis tamen iis in Apulia periculosis, in Africa vero summe venenatis. Oves Kalmukienses s. laticaudas dictas, Siberiae incolis educare non contingit, potius propter coeli clima aut pereunt, aut degenerant, minores etiam statura factae sunt, licet cum ouibus Russicis nullam habuerint communionem. Vid. GMELINI Reise durch Siberien 3. Theil, p. 378. Et cui incognitum, Oves in Anglia habitantes, Boves Polonicos et s. p. nostratibus esse meliores. Conf. Betrachtungen über den Einfluß des Clima in die Thiere, in den Physical. Belustigungen 30. Stück, p. 1506.

proprium agnoscunt natale solum. ^{e)} In rebus artificialibus virtutem climatis, et specialis loci efficaciam, vel sola, pro diuersitate locorum, cereuisiae ingens docet varietas. Et cum hae, omni licet adhibita opera, adminiculis, sumptibusque imitari et cogi non possint; vt patriam suam urbem ^{f)} derelinquant, omnino aliquid, vel in aqua, vel in aere, aliisque rebus, cuilibet loco propriis, incogniti et diuini quasi latitare, maxima probabilitate assumimus.

II.

In vegetabilibus vero omnium euidentissime loci natalis efficaciam cognoscimus. Namque si eorundem ingentem numerum, per vniuersum terrarum orbem dispersum, intuemur, non sine admiratione cuilibet fere, vel certe plurimis, propriam regionem patriamque a natura adsignatam fuisse, paucissimas autem vbique locorum quasi vagari, cernimus. Ita ex India, nec ali-

^{e)} Fossilibus sua loca propria adsignata esse, Mercurius, Cobaltum, et in primis Aurum illud album s. sextum metallum, Platina del Pinto appellatum, in America, quae Hispanis paret, detectum, facile comprobant. Et quae variis in locis crescunt, non eandem semper, sed pro varietate locorum diuersam indolem et bonitatem obtinent, id quod de Sale Nitri dudum POTERIVS Pharmacop spagyr. L. 2. c. 7. asseruit.

^{f)} De hac re versiculos legimus in SIM. PAULI Quadripart. Botan. p. 379.

*Lipsia dat Rastrum, Cucuk Witeberga celebris,
Hala Puf, et Keutam Westphala terra coquit.*

Conferri meretur hic I. F. RAVENSTEIN Sammlung seltener Begebenheiten in der Natur, Zweybrück, 1755. 8. p. 464. seqq.

unde, accipimus, et ibidem crescunt, Santalum, Piper, Curcuma, Zedoaria, Zingiber, Cardamomum. Ita Moluccae insulae solae dant Caryophyllum, China et Iaponia Theam, Loxa Peruuiae Quinquinam, Iaponia Camphoram, Carolina Cascarillam, et Ceylona Cinnamomum. Passiflorae species omnes, nulla excepta, Martyniae, Durantae, Besleriae omnes Americam pro patria agnoscunt. Aethiopiae ciues sunt, Eranthemum, Brabeium, Kiggelaria, Anthospermum, Penaeae, Philycae, Gnidae, Bruniae, Selagines, Hermanniae, Melianthi, Borboniae, Cliffortiae etc. Virginiae autem incolae Benzoin, Sassafras, Itea, Meadia, Hamamelis, Houstoniae, Napaeae et f. p. Ad Caput bonae spei crescunt Royenae, Stapeliae, Proteae, pleraeque Ficoides. In Sibiria GMELINVS legit Amethystinam, Lupinastrum, Catariam fl. inuerso, Ballotam lanatam, Phlomidem tuberosam, et centum alias. Calligonum in monte Ararat, Dictamnus Creticus in monte Ida, aliaque species in monte Sipylo habitat. g) Hinc et est, quod Floristae et Itinerarii his quoque temporibus tantam hactenus incognitarum plantarum copiam commemorent, et nouis diuitiis, huic vel illi regioni propriis, rem herbariam, nouisque et praestantissimis medicamentis medicam supellectilem adaugeant. In cuius rei fidem vel solum BROWNE et IACQVIN excitamus, quorum prior ex Iamaica, posterior vero Charibaeis insulis nouos thesauros nobis exhibuerunt. Non solum vero regio-

A 3

nibus

g) Exempla plantarum, in propriis locis crescentium, alia vid. in PORTAE Phytognomon: L. II. c. 1. p. 42. Conf. et THEOPHRASTVS de Caus. Plant. L. I V. c. I. edit. Stap. p. 283. vbi docet, quibus locis quaeque arbores gaudeant.

nibus certis proprias adsignauit natura plantas, sed cui-
libet etiam plantae suum specialem dedit locum. Vi-
uunt in murorum compage aliae, aliae sub aquis na-
scuntur, et sub montium altissimorum niuib. aliae
persistunt incolumes. Habitant in paludibus, lacubus,
fluminibus, maris littoribus, montibus, campis, pratis,
aruis, syluis, alibique plantae aliae. Haecque sua do-
micilia constanter retinent plurimae, suosque natales
locos vix deferunt, vt licet variis in regionibus easdem
inueniamus, tamen vix nemorosam plantam aruensem,
hancque paludosam fieri, vel alpinam in plana descen-
dere, obseruemus, potius plerarum stirpium in locos
natales singularem amorem euidenter cognoscamus.
Docuit idem iamiam VIRGILIUS, ^{b)} scripsitque:

Nec vero terrae ferre omnes omnia possunt,

Fluminibus Salices, crassisque paludibus Alni

Nascuntur, steriles saxosis montibus Orni,

Bacchus amat colles, aquilonem et frigora Taxi. et f. p.

et millenis exemplis idem comprobari posset. In pa-
ludosis crescit Scordium, Parnassia, Comarum, Hydro-
cotyle, in vmbrosis antiquis syluis Squamaria, Nidus
avis, Linnaea, in rupibus et muris Cymbalaria, Valan-
tia, in arenosis Centunculus, Camphorosina Monspe-
liaca, Scleranthus, omnemque terram respuit, solam-
que arenam amat Arundo dicta arenaria. In alpibus
habitat Dentaria pentaphyllos, Larix, Rhodiola, Solda-
nella, Gentiana lutea, et pleraeque aliae. Ast vera
licet haec sint omnia, et prout pisces marini non nisi in
aqua salina viuere possunt, et si nonnunquam dulcia
flumina

^{b)} Georgicor. Libr. II. conf. et Libr. I.

flumina transmigrant, non diu in ipsis subsistant, sed iterum in aquas regrediantur salvas; ita et plantae in vna eademque terra habitent, non nullae tamen vbiuis fere locorum proueniunt, et certam patriam sedemque fixam nullam agnosunt sic ⁱ⁾)

Tristia per vacuos errant Absinthia campos
et quae ex Aleppo venit Borrago officinalis, Americana planta Stramonium, Erigeron Canadense, in Europa et Germania nunc vbique sponte crescunt et laete proueniunt. ^{k)}) Pertinent etiam huc illae plantae, quae licet cognitae sint dudum, et cultura quasi inquilinae factae, tamen ignoremus vnde ad nos translatae fuerint, et qui sit earum natalis locus. Hyssopi offic. Maioranae offic. Cucumeris, Alceae roseae, Raphani satiuui, Nasturtii hortensis patriam detegere haudquaquam potuerunt Botanici.

§. III.

Propriam plantarum patriam scire, maximi momenti res est, a Botanico aequae ac Medico bene aestimanda. Exinde enim illarum in hortis, et ita alieno loco, instituendam culturam, et ab hac translatione exortam

ⁱ⁾) OVIDIVS III. Epist. I. v. 23.

^{k)}) Licet non nunquam varias regiones pro patria agnoscant plantae, vnum tamen alterumque locum plane recusant. Laurus offic. calidarum regionum incola, in Graecia, Creta, Hispania habitat, immo in Corsica sata nunc prouenit; licet PLINIO teste L. 15. nulla olim huius arboris varietas natale suum solum in eadem insula habuerit, attamen in Ponto nulla datur Laurus, quanquam omni solertia eam olim ad vsus religiosos ferere conati fuerint incolae. Vid. THEOPHRASTVS l. c. L. 4. c. 6. p. 368. JONSTON I Dendrolog. p. 227.

ortam nouam saepe variantemque faciem Botanicus, Medicus vero virtutes et ipsis proprias, a natali solo dependentes, et eodem mutato discrepantes, inuenire et cognoscere poterit. Dum itaque raras, nitidasque, quae vel procul a nobis in exteris orbis partibus habitare solent, vel etiam spontaneae, nobis propiores et inquilinae sunt, in nostris terris hortisque spectare et conseruare cupimus, prima erit cura, scire, vndenam allata sit planta, an sub torridiori, temperatiori, borealique climate vixerit, an solis radios, liberio remque aerem, an umbrosa loca, an siccam vel humidam, pinguem vel arenosam terram amet, quo cuilibet conuenientem et natalem quasi extra patriam locum concedamus, exstructisque in primis, miroque modo adaptatis aedibus climata ipsa transferre, et quibus Africa superbit, quae Asia et nouus orbis miracula profert, in eiusmodi viridariis conseruare et colere queamus. Intelligimus hac ex re etiam, cur nonnunquam plantae in hortis nostris langueant, moriantur, omnemque nostrum laborem eludant. Plurimae namque siluestres respuunt foecundum solum, pingua terrae pabula non concipiunt, et cum eius modi terra vix arte praeparari possit, qualem ipsis natura dedit, ab omni cultura abhorrent, vt ex indigenis sunt: Empe-
trum, Erica, Rapunculus, Myrtillus, Squamaria cet. Hinc Hercynicas plantas aegrius cum solo humili consueuisse, et Heluetica semina vix vlla in horto vegetasse Ill. ALB. HALLERVS, ¹⁾ Rutamque syluestrem, ex col-
libus

¹⁾ In praefatione, Enumerat: stirpium Horti Goetting. 1743. 8. praemissa.

libus alpiibusque in hortum translata, periisse semper, modo montosis ac sterilibus locis adfuetam esse, Cel. XAVER. MANETTI ^{m)} obseruarunt. Adeo a temperis assuescere multum est. Itaque cum sine climatum globi terraquei cognitione physica cultura plantarum institui nequeat, ille apud Botanicos inualuit mos, vt plantarum exoticarum indigenarumque patriam, ⁿ⁾ locumque natalem ^{o)} sollicitè adnotent, et ita tacite quasi culturam earundem nos doceant, ne ex defectu cognitionis, experiundo, aut maximo saepe cum damno, conuenientem locum terramque inuenire debeamus. Non solum vero hac ex causa Botanici locum natalem commemorant, sed et ideo, quo specierum aliquam differentiam exhibeant, et licet secundum recentiorum dogmata, neque specierum definitionem,

^{m)} In Viridar: Florentin: Florent. 1751. 8. edit. p. 77.

ⁿ⁾ Relicienda esse peculiaria nomina prouinciarum et locorum, in quibus primum inuentae fuerunt plantae, existimat MANETTI l. c. in prooemio p. XI. cum eadem in alijs regionibus quandoque nascentur, et ipse Cel. Vir asiaticas, hispanicas, lusitanicas, danicas cet. appellatas sponte in Etrusco solo virefcere, obseruauerit. Attamen non modo illarum, quae vnico loco habitant, sed et quae in diuersissimis regionibus crescunt, patriam scire, vtilissimum est, et in cultura earundem optime nos instruit.

^{o)} Immo plura adhuc desiderat I. D. DENSO, monetque, necessarium esse, vt in libris, de horti cultura conscriptis, plantae patria strictissimo notetur sensu. Scil. quoad varias terrae stratorum mixtiones, quoad aeris temperiem, et quoad aquarum variam, ab admixtis peregrinis dependentem, indolem. Vid. Physic. Biblioth. 1. Band, 4. Stück, p. 377.

nem, neque nomina specifica ingredi debeat patria, tamen compendii gratia, laudabili consilio, composuit inde Trivialia nomina LINNAEVS, et optime Lepidium Bonariense, Lotus iacobaeum, Oleam Capensem, vel Thlaspi saxatile, Astragalum arenarium, Equisetum syluaticum, aruense, et palustre nominauit.

§. IV.

In primis autem Botanicus loca plantarum natalia scire debet, quo iisdem, vel fortuito casu, vel ex industria, in alium locum transportatis, earundem mutationem et metamorphosin cognoscere et iudicare valeat, quid proprium sit, quid vero acquisitum, et quid pro differentia loci varium, nouis quasi plantis, varietatibus scilicet, procreandis ansam dederit. Tanta enim est loci natalis vis et efficacia, vt si etiam planta ex aliis delata oris, frequentiore cultura, nostro coelo et solo accommodari et ciuitate donari possit, illud tamen semper fere cum insigni mutatione *p)* ipsius coniunctum

p) Id quod iam THEOPHRASTVS cognouit, scripsitque: *discrimen ad foecunditatem, st rilitatemque summum vel locorum natura facere potest.* Vid. Lib. IV. c. I. p. 284. Et ex vario alimento, aerisque temperamento, variaque translatione qualitates diuersas externas nouasque recipere, bene monuit ALOYS. MVNDELLA in Annotat. ad Musam Brasauolam de Simpl. edit. cum Eiusdem Epistol. Basil. 1543. 4. p. 186. Multa etiam exempla plantarum, quae pro diuerso natali loco externa facie mutationem subiere, commemorauit BARTH. MARANTA Method. cognoscendorum simplicium Venet. 1559. 4. L. II. p. 105. et 119.

iunctum esse, obseruemus. Quae ex aliis, calidis in primis, regionibus ad nos adportantur plantae, omnis licet cura adhibeatur, vel in alieno agro hospitari plane nequeunt, vel raro ad eum perfectionis statum perueniunt, quem in patrio solo ostendere solent, potius de his cum VIRGILIO ^{q)} dicere debemus:

Vidi lecta diu, et multo spectata labore

Degenerare tamen.

Et ex feminibus multis pauca germinare, pauciora perfectos flores, et paucissima maturum exhibere semen, omnibus exoticorum constat cultoribus, ut ad exempla prouocare haudquaquam necessarium existimus. Potius eiusmodi nunc commemoremus plantas, quae propter loci natalis mutationem, in externa facie sua ludunt, et cum eis copiosa materia suggeritur, vel luxuriant, vel cum alimentum eis deficit, in aliqua parte deficient. Arborea planta, Africae et vtriusque Indiae incola, per plures annos et radice, et trunco durans, in nostris hortis fit annua, succulenta, herbacea, quae intra quinque vel sex menses et ex femine enascitur, et floret, et fructificat, Ricinus est. Musa vero in patrio solo diffusis vndique radicibus tantum colligit digeritque nutrimentum, ut primo anno ex radice caudicem emittat florentem fructiferumque; in nostris vero regionibus in hybernaculis coercita, et quasi incarcerata, omnis licet adhibeatur cultura, tertio demum vel quarto anno floret et moritur. ^{r)} Brassica, chinensis dicta, et nostra in China culta, non capitata crescit, nec ea, quae Archangelo-

B 2

poli

^{q)} Georgicor. L. I. v. 97.

^{r)} Conf. 10. GOTTL. GLEDITSCHIVS in Consider. Epicrifeos Siegesbeck: Berol. 1740. p. 26.

poli colitur, capitata fit, sed germina tantum protrudit, plantamque teneram exhibet; huius vero semina in calidioribus Europae regionibus sata, Brassicam capitatam producunt, ut retulit Cel. GMELINVS. ¹⁾ Plantae boreales, sub duriori climate viuentes, plurimae, quo tempestatis iniurias facilius ferant, variis tomentosis amictibus munitae, in hortis nostris vel suum velamentum totum saepe deponunt, vel mansuetiores redditae, laxiorem lanuginem obtinent. ²⁾ Simili modo maritimae dictae plantae plurimae viridem suarum partium superficiem, tomento albido obuolutam tectamque ostendunt, idque tunc etiam satis diu retinent, cum remotissimae a mare, in alieno prorsus loco, asseruantur colunturque, ut de lacea, Medicagine aliisque scimus. Nonnunquam tamen degenerant; illa iacobaeae, ex maritimis degener, falso ut species proposita, planta et in his variantis naturae lusum fieri, clare demonstrat. Statura quoque differunt. Ex gigantibus pygmaei fiunt. In steriliori solo habitantes pusillae minimaeque plantae in pinguiori solo excrescunt, omnique parte auctae exsurgunt; cauendumque hinc sedulo, ne eius modi plantas cum C. BAVHINO, TOVRNEFORTIO, aliisque pro speciebus adducamus, quae modo magnitudine diffe-

¹⁾ Vid. Eiusd. Reise durch Siberien 3. Theil, p. 63. Semina vero, Brassicae chinensis nomine, nobis tradita, et in horto Academico sata, simplicem caulem floresque primo anno tulerunt, et ita a capitata diuersam plantam exhibuerunt.

²⁾ Conf. A. W. PLAZII Progr. de natura plantas muniente Lips. 1761. edit. p. 13. Cytisus, auctore MARANTA l. c. L. II. p. 120. totus candidus, dum in suo natali loco permanet, transplantatus vero virentem colorem induit.

differunt, ^{u)} et pro diuerso natali loco ludunt. Plantago, Serpillum, Chenopodium, Atriplex, ^{x)} et centum aliae plantae assertum nostrum probant, et Salicis ^{y)} species ex solo palustri, arenoso, montano, calido et f. p. mirum mutatae, euidentissime illud euincunt. Astragali contorduplicati magnitudo, auctore Ill. LINNAEO, ^{z)} ex solo mire variat, et Gramina pro diuerso, in quibus habitant loco, varias mutationes subeunt, quas singulari studio obseruauit et annotauit IO. HOFERVS. ^{a)} Non vero tantum folia, cau-

B 3

lis

^{u)} Non tamen semper magnitudo inconstans est, sed et eadem vera et perpetua existit, vt de Calamintha montana magno flore scimus. Vincam etiam, maiorem dictam, vere differre a minori, illamque differentiam non, vt LINNAEVS suspicatur Spec. T. I. p. 209. a loco ortam esse, credimus. Idem, vt videtur, de Pimpinella maiori, media et minori valebit.

^{x)} HOBIVS VAN DER WORM bene scribit: *Magna in atriplicum genere varietas dulci pinguique solo, aut sterili salsoque debetur, illud omnia laeta reddit, hoc vero tristia, in sterili salsoque solo caulis induratur, folia obsuscantur, minora fiunt, et serraturas paulatim amittunt, ubi vero contra, contraria fiunt omnia.* Vid. Liber Eius de Atriplice falso Amstelod. 1661. 12.

^{y)} Quod iam asseruit BODAEVS A STAPEL. Comment. in Theophrast. L. III. c. 13. p. 212. et LINNAEVS in Spec. T. II. p. 1022.

^{z)} Spec. T. II. p. 758.

^{a)} Vid. Aëta Heluet. Vol. II. p. 155. Terra e. gr. firma et sicca culmi altitudinem minuit, folia fetacea, et paniculam raram efficit, et florum numerum in spiculis multifloris augeat. Terra humida limosa foliorum latitudinem non parum, aqua

lis ^{b)} ramique copia, magnitudine et figura ludunt, sed et flores colore, florendique tempore variare, plurimis edocemur exemplis. Coloris caerulei et purpurei flores plerumque in Alpibus candidos fieri, exemplis docuit HALLERVS, ^{c)} et flores baccasque rubras in umbra saturatiores esse, LINNAEVS ^{d)} asseruit; et prout Haemanthum, perianthio herbaceo, a DILLE-
NIO delineatum, a foliis solisque benignitate perianthium, rubicundo colore tinctum, obtinere, icon ab EH-
RETO picta, et ab Ill. TREWIO commentario illustrata docet; ^{e)} ita et Symphyti flores coloris, a loco natali mutati, egregium specimen sistunt; Lipsiae enim in um-
brosis subhumidisque pratis habitans, imo in hortis con-
servata

aqua vero stagnans maxime auget, glumas crassiores facit, aristas minuit, foliis defectus in sylvis lanuginem plantae, spiculis strigositatem, floribusque saepius abortum producit.

^{b)} Huc etiam pertinent illae, quae propter sterile solum saepe tam paruum obtinent caulem, ut is deficere videatur. Acaulos Cirsium et Carlina caulescentes fiunt. Quas in certa quadam sylva TH. BARTHOLINVS vidit arbores, quae omnes gibbosae miroque modo contortae erant, forte, ut ipse coniecturam addit, aut a coeli, aut a soli vitio sic enatae fuerant. Vid. Acta Hafniens. Vol. I. p. 56. Lychnis apetala, ut refert LINNAEVS Spec. T. I. p. 437. in Suecia caulem uniflorum, in Sibiria multiflorum tulit, et Craccae Virginianae caulis, qui in loco natali erectus est, in horto decumbit. LINNAEVS l. c. T. II. p. 752.

^{c)} De Methodico studio Botanices Progr. Goett. 1736. p. 22.

^{d)} Critica botanica p. 250.

^{e)} Vid. Plantarum selectarum Dec. V. Tab. 44. et Hort. Elthamensis p. 167.

feruata planta, vbique et semper albidos flores monstrat, Wittebergae vero rarissime eo colore tinctos, sed fere vbique rubicundos ostendit. Immo structura floris ex hac causa, licet rarius, quandoque tamen mutatur. Non commemoremus flores illos monstrosos, plenos multiplicatosque, quippe omnes lautioris foli soboles, sed alia et rariora notemus exempla. Azaleae *f)* corolla non constanter pilosa, potius et proclimatis indole glabra atque laevis existit, et Tussilago, Anandria dicta, in solo libero, occultatum clauso calice florem gerit, in olla vero, calidiori loco reposita, aperitur calix, flosque radiatus expanditur teste Ill. LINNAEO, *g)* qui experimentum in horto Vpsaliensi instituit. Curiosum est, quod retulit HOFERVS *b)* de Theligono, cuius plantae figulinis vasis contentae flores masculos hexandros, eae vero, quae in terra, multo fimo condita, enatae erant, flores polyandros prodixerunt. Tandem et tempus florendi fructusque ferendi pro diuersis non modo regionibus variare, ideoque idem tempus nunquam sine loco et gradu eleuationis *i)* indicandum esse, sed et in vna eademque regione,

f) Vid. Commentar. de rebus in histor. natural. et medicina gestis Vol. V. p. 414.

g) Spec. T. II p. 865.

b) Vid. Aëta Heluetica Vol. II. p. 16. qui etiam corpusculum truncatum in Melica florem imperfectum esse, idemque phaenomenon in plerisque Tritici speciebus cultis accidere, et a solo pingui fore dependere ibid. p. 139. asseruit.

i) Regulam hanc LINNAEVS dedit, in Fundamentis Botan. p. 32.

gione, modo pro loci natalis differentia, discrepare scimus; ita quae in planis e. g. Aprili et Maio existunt florentes fructiferaeque plantae, eae vere omnes, ut Violaeflorentes, Fraga maturescentia, Augusto mense et autumnii initio in altissimis reperiuntur montibus. ^{k)}

§. V.

Non solum autem Botanicus loci natalis virtutem in mutanda externa plantarum facie cognoscere, sed Medicus quoque internam earundem fabricam, mixtionem, odorem, saporem, viresque secundum natalem locum specificè differre, ^{l)} haud difficile inuenire poterit. Et veteres et recentiores auctores in eius modi variantibus qualitatibus eruendis determinandisque multum posuere industriam, regulasque generales quasdam confecere, ut patet, quo modo pro diuerso natali solo medicata earum virtus aestimari debeat. Verum hac in re nihil certi, et in vniuersum veri determinandum, et quae in veterum libris ^{m)} annotata inue-

k) Conf. c. GESNERI Tabulae de collectione stirpium Tiguri 1587. edit. in Prooemio.

l) Bene hinc scripsit FRID. HOFFMANNVS. *Cum ingens terrarum sit differentia, rectè concludere is videtur, qui a specifico et peculiari soli cuiusvis ingenio et indole ipsas herbarum vires deducere ac derivare studet.* Vid. Eius Praefat. ad BVXBAVMI Enumerat. plantar. Halens. Halae 1721. editam.

m) Huc in primis pertinet PORTA in Phytognomonie. Lib. II. c. 10. p. 58. seq. ubi de aquaticis, palustribus, fluuiatilibus, maritimis,

inuenimus, minus certa, et saepe falsa deprehendimus, immo a recentioribus traditae regulae ⁿ⁾ modo vt plurimum verae sunt, plurimasque exceptiones ^{o)} relinquunt.

ritimis, de iis quae in pingui, vel macro solo nascuntur et f. p. differit, et quaenam sint earum indoles et vires, pro more suo, explicat.

ⁿ⁾ Ita secundum FERNELIUM Meth. medend. L. VI. c. 4. *regio calida et aestuosa omnia edit profertque acriora et vehementiora, hebetiora vero frigidior et humidior.* Ita Cel. HOFFMANNVS Praefat. cit. asserit: *quas terra foecunda pinguis, stercoreatione bene exculta sponte profert, plantae anodynae, sedatiuae, immo narcoticae sunt, et porro: quae in locis humilioribus paludosis nascuntur, sale subtiliori virulento instructae sunt, quae vero in locis excelsioribus, vento et aperto coelo expositis, suos natales habent, prae reliquis valde salubres existunt.* Id quod et HIPPOCRATES in Epistola ad Crateuam asseruit, iussitque eundem, vt montanas maxime et in altis collibus nascentes herbas radicitus reseret, ex eo, quod aquaticis sint solidiores, et aciores. Consentit DIOSCORIDES in Praefat. item EBENSINA L. II. T. I. c. 6. edit. Venet. 1490. LINNAEVS Fundam. Botan. §. 387. sequentem dedit generalem regulam: *Plantae in siccis sapidiores, in humidiusculis insipidae magis, et in aquosis saepe corrosivae sunt.* aliamque §. 342. *umbellatas scil. in siccis aromaticas, in humidis venenatas esse,* et in Crit. Botan. p. 250. asseruit: *baccas plantarum in paludibus nascentes acidiores, in siccis dulciores esse;* et ex mente GLEDITSCHII in Dissert. de Method. Botan. fallaci virtutum in plantis indice Francof. 1742. edit. p. 19. *loca humida et paludosa vel insipidas aquosas, vel acredine volatili penetrantissima, vel caustica fixiore praestantes plantas proferrunt.* HORATIVVS Satyrar. L. II. Sat. V. v. 20. scripsit:

*Pratensibus optima fungis
Natura est, aliis male creditur.*

^{o)} Hinc etiam insufficientes et incertas esse illas rationes indagandi

quunt. Ideoque cum a priori, ut dicimus, virtutem plantarum, a loco natali dependentem, fiducia quadam deducere haud quaquam possimus, aliam eligamus viam, qua certissime conuincimur, plantas a natali loco virtutem accipere. Vegetabilia scilicet in alium locum transplantata, peregrinoque solo culta, a loco genio non consentiente, diuersam accipiunt temperaturam, nouique agri sequuntur conditionem. *p)* Quae res et singularis virtutum mutatio partim ratione regionum, dum e. gr. ex calidis in frigidas transportantur, partim ratione specialis variique vnius regionis loci, et in medicatis, et venenatis plantis locum obtinuit. Possemus in huius asserti veritatem plurima adducere exempla, verum ne nimis ampla fiat recensio, nonnulla modo et luculentiora proponemus. An, ut animalia venenata, ita et plantae nociuae pro diuersitate regionum naturam suam mutant, et nunc innoxiae, nunc magis nociuae euadant, certo, et in genere, determinare vix possumus. Auctorum enim testimonia non semper conueniunt. Perseam arborem in Per-

fide

di plantarum vires, quae a differentia locorum natalium, tam generaliorum quam specialiorum desumuntur, assertit Ill. A. E. BVCHNERVS in *Materiae medicae fundamentis*, Hal. 1754. edit. p. 200.

p) Optime hinc scripsit MVNDELLA *Dialog.* p. 90. *Multo plus sane ego laudarem, ut medicamenta e suo natali solo, ubi optima nascuntur, ad nos, si fieri posset, transportarentur, quoniam natale solum et aer multum quidem conferant, ut aliquod simplex medicamentum bonum malumue producat. Non enim semper stirpes, quae de vna in aliam transportantur regionem, eiusdem sunt naturae, sed contrariae aliquando inueniuntur.*

sive exitiosam esse, in Aegyptum translata, mutata natura, in cibos receptam aliqui, teste DIOSCORIDE, ^{q)} prodiderunt. Taxum in Arcadia et Italia venenatam, in Anglia autem et Arduenna Belgii sylva minus perniciosam esse, plurimi pronunciant. Belladonnae radice puluerem, teste LOBELIO, extreme sitientibus agyrtae Italici innoxie exhibere solent, et ex eiusdem plantae baccis comestis lethalem effectum in Italia minime observauit Cel. MANETTI, qui et in Coriaria vulgari singularem illam, Epilepsiam producendi, efficaciam, a SAVVAGESIO detectam, repetitis experimentis haudquaquam inuenit. ^{r)} Non autem haec modo, sed et alia venena mansuetiora et mitiora reddidit Italia, ut idem quoque de Cicuta, ^{s)} quam Athenienses sceleratis hominibus propinare soliti fuerunt, scriptum inueniamus. Napellum etiam virtutem suam venenatam non semper retinere, sed in variis regionibus deleteriam vim amittere, a nonnullis affirmatum, ab aliis

C 2

vero

^{q)} L. I. cap. 186. Conf et THEOPHRAST. L. IV. c. 6. et L. V. c. 8. IOH. BAPT. SITONI Miscell. medico-curiosa Colon. 1676. edit. p. 52.

^{r)} Vid. Viridar. Florentin. p. 20. et LINNAEI Hort. Vpsal. p. 299.

^{s)} Idem affirmat P. A. MATTHIOLVS in Comment. ad Dioscorid. L. IV. c. 74. IOH. RHODIVS in Emendat. et Notis ad SCRIBONIVM LARGVM C. LXXIX. p. 260, De Cicuta, in Baranis oris proueniente, idem testatur BODAEVS A STAPEL in Commentar. ad Theophrast. p. 1146. b. Vertigines tamen et deliria excitare concedit, et teste IO. RAIIO Histor. plantar. T. III. p. 257. Cicuta terrestris in Anglia non venenata est. Conf. etiam Commerc. Noriberg. 1740. p. 372.

vero et negatum ¹⁾ deprehendimus. Verum licet haec assertum nostrum dubium relinquant exempla, alia adfunt, quae maiori certitudine adduci possunt. Quis enim nescit Rheum ²⁾ apud nos cultum, illi, quod ex China in primis adfertur, virtute multum cedere; cui ignotum, similes Vitis ^{x)} palmites, diuersis regionibus et locis depactos, diuersa, dulcia, acida, acerba vina prae-

1) Napellum inter eas adducit plantas GLEDITSCHIVS Meth. Botan. p. 23. quae in hortum translatae non mitescunt, sed suam deleteriam vim retinent. Illam vero in Polonia absque noxa iusculis incoqui et comedi, legimus in ZORNII Botanol. p. 459. quod vero fabulam olere, putat TH. EM. V. HALLER in Epistol. ad Walstorffum Goetting 1757. edit. p. 17. De venenata huius plantae, in variis regionibus crescentis, indole immutata Vid. Götting. gelehrte Anzeigen 1759. p. 624. in quibus etiam, scilicet Anno 1760. p. 464. asseritur Napellum a SAVVAGESIO in Diss. de medicina Sinensi, ut febrifugum commemoratum haquaquam nostratam esse. Attamen virtutem non venenatam, Napello concessam, legimus in IOH. LANGII Epistolis Medicinal. edit. Hanou. 1605. 8. p. 303. Act. Hafnienf. Vol. IV. obseru. 32. OL. BÖRRICHII Diss. de fundamentali plantar. notitia §. 40. Schwed.. Acad. Abhandl. 1. Theil, p. 48.

2) Hinc forte etiam Rhaponticum Dioscoridis inodorum, cum Arabum Rhabarbaro odorato conuenire, et ratione regionis modo differre, asseruit, idemque de Cisto Ladanum ferente statuit MYNDELLA in Annotat. in Mus. de simpl. edit. c. Eiusd. Epist. p. 182.

x) Vinum Canariense dulcissimum a plantis viniferis Rhenanis aequae ac Capense et Maderanense ab iisdem et Burgundicis, ad calidiora illa loca delatis, ortum duxisse, bene asserit GLEDITSCHIVS l. c. p. 22.

praebere ; et Nicotianam , y) quam Byzantina, Virgiana, Brasiliiana, quam Germanica nostra Marchiae, Misniae et s. p. arua ferunt, maxime differre, omnes scimus, eandemque, et fere maiorem diuersitatem in Coffeae seminibus esse, nostro forte cum damno, compertum habemus. Origanum, Hyssopus, Maiorana e Cappadocia aut Creta aduectae, iis, quas Gallia protulit, duplo acriores inueniuntur, teste FERNELIO. z) Cepas et Allia in insulis Archipelagi foetorem et acrimoniam nullam, potius dulcem saporem praebere, SPONIUS a) narrauit. Brassica, secundum DIOSCORIDEM, in Aegypto propter amaritudinem non comeditur. Ari radix, vt GALENVS b) retulit, ad Cyrenam minime medicamentosa et acris reperitur. Poenoniae romanae maiorem virtutem, quam illi, quae ex India in Arabiam adportatur, in Epilepsia curanda tribuit AVICENNA. c) Lupinorum herbam, teste MARRANTA,

C 3

RANTA,

y) Diuersitatem hanc esse accidentalem, et a regione et loco, in quo colitur, dependere docuit STELLA Lib. de Tabaco c. 3. ALOYS. DALLA FABRA Diff. Med. Ferrariae 1712. 4. edit. p. 137. alique.

z) Method. Medend. L. VI. c. 4.

a) Vid. Eius Itinerar. L. II. p. 36. qui et causam in coctionem et maturationem folis ibi, quam in climate nostro, calidioris posuit; et ROSINVS LENTILIVS addit, unde cognoscere datur, cur Israelitae tanto ceparum aegyptiarum desiderio flagrarint. Conf. Iatromnemata Stutgard. 1712. p. 10.

b) De Medicamentor. Facultat. L. XI. Conf. et 10. HORNUNGII Cista medica p. 45.

c) Lib. II. Tract. 2. cap. 562.

RANTA, ^{d)} in Hetruria amarissimam, iumenta maxime auersantur, in Campania vero nullam fere habet amaritudinem, et iumentis gratum est pabulum. Serotinus Raphanus feruidissimum saporem habet, temperatorem et subdulcem Erfortensis, omnemque acredinem vt et dulcedinem cum aquositate insipida commutant varietates Gallico-Belgicae. ^{e)} Hungariae solum terrae fertile, ast et fructus, in planitie prouenientes, magis quam alibi aquosos, et gramina ad saginanda pecora parum apta esse, hinc, pastorum effato, lac minus pingue existere, a KRAMERO ^{f)} accepimus. Flores alibi inodoros in Alpibus odorem spargere, Trollii, Androsaces, Violae luteae grandiflorae exemplo docuit HALLERVS. ^{g)} Draconem herbam, quae, in omni Sibiria inodora reperitur, in sola Isterensi prouincia suauis odoris vidit, et ex feminibus inodora, in academico horto satis, plantam hortensi Draconi simillimam succreuisse, obseruauit GMELINVS. ^{h)} Sibiriae Arnica Schroederianam, quae foliis lanceo-

d) L. c. L. II. p. 114.

e) Id asserit GLEDITSCHIVS l. c. p. 24.

f) De Climate Hungariae edit. cum Medicin. castrensi. Viennae 1739. 8.

g) Med. stud. botan. p. 22.

h) Flor. Siber. T. II. p. 113. Similis fere obseruatio est, quam DALLIBARDVS Mem. de Mathematique et de Physique presentes a l'Acad. Roy. des Sciences T. I. edit Paris. p. 95. cum Reseda flore odorato instituit, cum eius semina fœtilibus immiserat terra

lanceolatis variat, effectum salubriorem, et, quia in rup-
 pestribus locis succum magis acrem trahit, vehementio-
 rem, ac in infuso, pauca dosi, data, vomitum excitare
 Idem ⁱ⁾ docuit, qui et a STELLERO accepit, spiri-
 tum frumenti, additis ibidem crescentis vulgaris Mil-
 lefolii floribus, amoenum coeruleum colorem obtinere,
 et licet ipse experimentum non viderit, id tamen se
 scire scripsit, nec oleum semper, propter diuersam foli
 naturam, coeruleo tingi colore. ^{k)} Non modo autem
 internae plantarum virtutes mutantur, dum varias in-
 habitant regiones, sed et in vna eademque regione, et
 sub eadem caeli constitutione constitutae, pro varietate
 specialis loci natalis, variant. Obseruatum est, plan-
 tas syluestres, satiuas nunc factas, mitiores esse, eas-
 que illam, quam antea habebant, amaritudinem, depo-
 nere,

terra diuersae indolis, macra, pingui, vel arenosa repletis.
 Plantae quae in terra praeparata pinguique collocatae fuerant,
 fragrantissimum exhibuerunt odorem, illae vero, quae in fabu-
 losa habitauerunt, nullo modo olfactum commouerunt, immo
 plantulae iuniores, ex fabulosa in pinguem terram transplantatae,
 factae non fuerunt odoriferae. Idem experimentum institui-
 mus, sed euentu non eodem successit. In omni enim terra plan-
 tae enatae fuerunt gratissimum odorem spirantes; sunt vero
 tunc demum odoriferae, quando florent.

ⁱ⁾ Flor. Siber. T. II. p. 153.

^{k)} Ibid. p. 200. vbi et simile exemplum de Tragofelino maiori
 commemoratur, dum, vt dicitur, in Verainia, minime vero
 in Sibiria, inde spiritus eliciatur destillatione purpureus. Idem
 forte de Pimpinellae nigrae radice valebit; verum an vbique
 locorum, an vero in Marchia solum, spiritum, sapphirino co-
 lore imbutum, praebeat, per experimenta non cognouimus.

nere, et gustui gratiores fieri, vt de Cichorio, Lactuca, Apio palustri, aliisque constat; ast syluestres has maioribus gaudere virtutibus, quam eiusdem speciei hortenses bene asseruit APPERLEY,^{l)} et Fragariae hortensis fructus syluestribus inferiores, et Asparagi sylvestris radix,^{m)} pro diuretico scopo longe quam sativa, praestantior, egregie ostendunt. De quadam Scorzoneræ specie docuit GMELINVS,ⁿ⁾ saporem radicis varium esse, quo enim asperiora loca eam producant, eo dulcior sapor, et quo mitiora, eo magis amarescens; et IOH. HILLIVS^{o)} Valerianæ, specifici illius antepileptici, radicem pro natali solo discrepare, eamque, non in paludosis sed siccis syluosis colligendam esse asseruit; haec enim vera densior et resinosa, bruno colore imbuta, tenuioribusque fibris composita, illa spuria vero spongiosa, lutea et crassa est radix, huius plantae folia angusta sunt et pilosa, illius vero lata et leuia, floresque speciosiores. Sed haec sufficiant adduxisse exempla, alia passim in Auctorum libris^{p)} inuenire possumus.

§. VI.

l) Conf. *Commerc. Noriberg.* 1734. p. 355.

m) Haec sylvestris radix loci natalis indole, pinguibus glutinosis particulis liberata, praestantior est, quam sativa, vt asserit I. A. SCOPOLI in *Flora Carniolica*, Viennae 1760. edit. p. 239.

n) *Flor. Sibiric.* T. II. p. 2.

o) Vid. Eius lib. Titulo: Valerian or the virtues of that root in nervous disorders, and the characters which distinguish the true from the false, London 1758. 8.

p) Conf. in primis PORTAE *Phytognom.* L. II. c. 5. p. 48.

§. VI.

Maxima itaque datur virtus loci natalis in vegetabilia, eademque praecipue in mutata plantarum structura externa aequae ac interna conspicitur. Quae vero huius rei causa? an in terra, quam inhabitant plantae, ratio huius phaenomeni latet? an vero aer, eiusque diuersae conditiones eius modi influxum habent, ut quadam quasi sympathia inde naturam suam accipiant vegetabilia? Terrae nascentia omnia viuere ex terrae humore, et qualem terra humorem in se ipsa habet, talem etiam nascentia ex ipsa habere HIPPOCRATES ^{q)} affirmauit. Hinc cum et vegetabilia ex terra pabulum accipiant, pro soli natura, cui infixae sunt varium, eius quoque beneficio suam mutationem pati asserit GLEDITSCHIVS, ^{r)} ideoque, ut Idem docet, ^{s)} Cuscuta varium odorem, et illum adsumit, quem plantae ostendunt, quibus inhabitauit. Verum

*Terra salubres herbas, eademque nocentes
Nutrit, et Vrticae proxima saepe rosa est. ^{t)}*

Et

*interque nitentia culta
Infelix Lolium et steriles dominantur Aenae ^{u)}*

Aqua praeter ea, quae dulcis, certe non acris est, plantas producit acerrimas, ut Ranunculi acriores species, quae

^{q)} De Natura Pueri §. 35.

^{r)} Method. Botan. p. 19.

^{s)} Ibid. p. 46.

^{t)} OVIDIVS Remed. Amor. v. 45.

^{u)} VIRGILIUS Georg. I. v. 153.

quae in paludibus nascuntur, clare ostendunt. Cuscuta forte, siue Vrticae, f. Rubiae, f. Lino adnata fuerit, eundem effectum ^{x)} praestat, prout etiam de Visco ^{y)} certissime scimus. Ideoque plantarum succi non a mixtione particularum in terra facta dependent; ^{z)} Sed, prout sanguis animalium non semper sequitur naturam pabuli, quo nutriuntur, ^{a)} sic neque succus plantarum

^{x)} Ita statuit SCOPOLI Fl. Carniol. p. 309.

^{y)} Viscum quidem, si Robori incretceret, nihil sacratius habebant Druidae, auctore PLINIO. Quernus et Corylinus officinales sunt, verum ideo hae aestimari solent species, quia magis frequentes sunt quam aliae, neutiquam vero ob peculiarem et praestantiorum efficaciam. Cum COLBATCHIO enim eundem Visco, cuicumque etiam arbori adnatus esset, usum tribuimus. Licet DIETR. WESS. LINDENIVS in additis notis propterea, quia ex variis arboribus succum trahit, mixtionem et virtutem variam eidem tribuerit. vid. Eius Anmerkungen von der Kraft der Mispel &c. Amsterdam 1746. 8.

^{z)} Conf. LUDWIGIVS in Institut. Regni Vegetabil. §. 357. p. 177. edit. Lips. 1757. 8.

^{a)} Quae res in genere omnino assumi debet, et bene a Cel. SCOPOLI Fl. Carniol. p. 309. affirmatur; et LAMB. BIDLIO scribit: Equisetum pratense si Frisicae comedant vaccae, ut ab assumpto veneno, marcescunt et lenta pereunt morte; indigenae (Belgiae) autem inde optime se habent. vid. Eius dissertat. de re herbaria praefixa I. COMMELNI Catal. Plantar. Hollandiae, Amstel. 1683. ed. p. 13. Attamen suo modo quoque limitanda. Ex multis satisque cognitis vnicum commemorems exemplum. Oves, a capris nutritas, duriores, et capras ouium lac sugentes, molliores pelles obtinere, scimus; Ut hinc per nutrimentum diuersa corporea indoles mutetur. Conf. CAR. GIA-

earum idem erit ac terrae, ^{b)} sed propria canalium, et in primis contextus cellulosi fabrica nouam accepti humoris praeparationem, mutationemque efficit, idque colores, sapores, et odores diuersi, in variis eiusdem plantae partibus conspicui, euidenter declarant. Terra itaque nutrimentum, idque vel parcius, vel copiosius, nunc magis, nunc minus praeparatum plantis exhibet, earumque radices, nunc in sabuloso, nunc in luto alioque solo melius dispositae, idem facilius attrahunt et suscipiunt, externae vero regionum locique natalis conditiones idem mutant, plantaeque faciem, ac internam virtutem aliam producant. Et hae externae vires omnes in Aere ^{c)} quasi concentratae inueniuntur.

D 2

tur.

NELLA *Trat. di Medicina preferuatiua etc.* in Verona 1751.
4. P. 43.

^{b)} Quae horti cultores de varia terrae praeparatae conditione in plantis sese manifestante narrant, plerumque fabulae sunt, et experientiae non respondent. Ita, vt legimus, Mala punica acida, radicibus arboris fuillo fimo obrutis, dulcescunt, sed falsa est res.

^{c)} Hinc aeris inaequalitatem maxime considerandam esse iam docuit THEOPHRASTVS L. III. de causis plantarum addiditque quibusdam imbres conueniunt, quibusdam repugnant, ita et flatus et frigora, et calor; et MANETTI l. c. p. 77. bene scripsit, aeris qualitates ad plantarum vegetationem promouendam maxime necessarias esse, vt licet terrae diuersitas auxilium valde proficuum pro plantarum cultura sit, tamen unico hoc iuamine munitae, plurimas alias vegetantis vitae necessitudines implere, et incolumes ferre, haud quaquam poterunt. Et dum Cels. MEAD in causas inquirat, cur animalia non vbique eodem gradu

tur. Caloris enim, frigorisque, siccitatis et humiditatis, grauitatis et raritatis, elasticitatis denique, immo et lucis et vmbrae ^{d)} conditio et gradus, plantas quoad habitum et internam structuram mutabunt euidentissime. Inde enim non modo humores in terra contenti afficiuntur, ^{e)} et prout terra ad suscipiendum fouendumque calorem ^{f)} diuersimode comparata existit, subti-

gradu venenata sint, ad constitutionem aeris particularem praecipue respexit, monens: Tarantulae morsum aestiuus caloribus in primis periculosum esse, et feruorem climatis multum ad veneni efficaciam conferre.

d) Lucem ad vegetationem plantarum multum conferre, et non modo colorem, sed et externam faciem alienam nouamque reddere, Cel. BONNETI experimentis compertum habemus. Vid. Schwed. Acad. Abhandl. 18. Band. p. 141. Hanib. Magazin 14. Band. p. 18. et 20.

e) VITRUVII auctoritate hoc assertum corroborare licebit. Sic enim ille: *Quod si terra generibus humorum non esset dissimilis et disparata, non tantum in Siria et Arabia in herbis essent odores, neque arbores thuriferae etc. Sed in omnibus terrae regionibus et locis eodem genere omnia procrearentur. Has autem varietates regionibus et locis inclinatio mundi et solis impetus, propius aut longius cursum faciendo, tales efficit terrae humores, quae qualitates non solum in his rebus, sed etiam in pecoribus et armentis discernuntur*, de Architect. L. VIII.


f) Supra commemoratus WARGENTINVS, dum in climatum differentias et causas inquisiuit, etiam ad variam terrae qualitatem respexit, experientia enim edoctus cognouit, non omnia corpora et aequalem caloris gradum suscipere, et aequae diu retinere posse. Vid. l. c. p. 169.

subtilifantur, sed et praecipue ob auctam in plantis, soli expositis, in umbra collocatis imminutam perspirationem g) et quoad copiam, et quoad motum progressuum aequae ac intestinum, immo quoad qualitatem mutantur, ut inde incrementum et vegetatio plantae vel bene succedat, partes in externo habitu optime sese exhibeant, succique naturalem crasim obtineant, vel langueant, a naturali statu recedant, mutantur, immo moriantur. Ideoque dum in virtutem loci natalis inquirimus, aerem, coelum, et si quae alia sunt unius eiusdemque regionis mutuo inter se conspirare, et diversas ita causas unum effectum producere assumimus.

Verum planta res est varia, et multiplex, inque uniuersum de ea aliquid certi pronuntiare, valde periculosum. b)

g) De hac perspirationis differentia singulari studio, egregiisque experimentis omnium optime egit GÜETTARDUS in Mem. de l'Acad. Roy. des sciences an. 1748. edit. Paris. p. 574. Huc pertinet illa a GLEDITSCHIO Meth. Botanic. p. 25. proposita quaestio: *an plantae potiores in Septentrionalibus terris acris vel ingrati odoris et saporis, liberioris circulationis et transpirationis ope sub Zona temperatiore magis depuratae gratae et oleosae euadunt? an potius plantae calidioris climatis incolae suavis et aromatici odoris vel saporis in acres nauseosus ingratasque degenerare possunt?*

b) Bene id monuit MARANTA l. c. pag. 8.



A N N E X A.

I. *Solidum in nobis conuertitur in fluidum et fluidum in solidum.*

II. *Venae sectio et debilitat et roborat.*

III. *Aer et destructor rerum est et conseruator.*

IV. *Prout aer succos vegetabilium mutat, ita digestionem ac sanguificationem in animalibus adiuvat.*

V. *Potulentorum abusus humores non fluidiores reddit sed spissiores.*

VI. *Variolarum Insitio et utilis est et licita.*

VII. *Fige oscula, sed cui figas, vide.*

VIII. *An Chylo, qui ad sanguinem fertur, bilis admisceatur, problema esto.*



ACADEMIAE WITTEBERGENSIS
R E C T O R

ET

GRATIOSI MEDICORVM ORDINIS

H. T.

EX - D E C A N V S

GEORG. RVDOLPH. BOEHMER

PHIL. ET MED. DOCT. ANAT. ET BOTAN.

PROF. PVBL. ORDIN.

P A N E G Y R I N M E D I C A M

AD DIEM V. MENS. NOV. MDCCLXI.

HABENDAM INDICIT

ET

DE SERENDIS VEGETABILIVM SEMINIBVS

MONITA CONTINVAT.

ANDERSON'S

BOOKS

OF THE

LIBRARY

OF THE

UNIVERSITY OF

CHICAGO

1892



THE

LIBRARY

OF THE

UNIVERSITY OF

CHICAGO



Quae de selectu et praeparatione seminum ob-
seruari debent monita, nuper recensuimus;
hinc de tempore nunc, quo ferenda sunt se-
mina, tractationem nostram continuemus.

Multum ad felicem germinationem tempus
conferre, omnes vno ore confitentur hortorum cultores; illud
autem in vniuersum determinare haudquaquam possumus, et
qui de horticultura nobis praecepta tradidere, neutiquam in-
ter se conueniunt, et inprimis, vt videtur, pro diuersitate re-
gionum, quas incolebant, regulas suas tradiderunt, quae ve-
ro nec in nostra terra, nec omnibus vegetabilibus applicandae
erunt. Nec illa, adeo celebrata, de Lunari influxu in vege-
tabilia, doctrina consensum promereri potuit, et licet vete-
res hanc decretoriam, quasi plantationis rationem magni ae-
stimauerint, tamen non semper idem, diuersum potius semi-
nandi tempus laudarunt, ac hoc ipso dissensu hypothesin su-
am nosque ipsos dubios reliquerunt, ita, vt nesciamus, an
potius cum HESIODO octauam diem a Luna felicem ad plan-
tarum positionem, an cum BIOPHANE Luna crescente semper,
nil illa decresciente, an cum PLINIO, interlunio, vel circa in-
terlunium quatruiduo ferendum esse credamus. Nostra cer-
te haecenus cum hortensium plantarum, vt Cheiranthi, Tuni-
cae, Asteris seminibus instituta experimenta, Lunae virtutem
in vegetabilia vel plane nullam, vel admodum exiguam esse,



semper declararunt, et semina, plenilunio sata, flores haud speciosos, nec multiplicatos plenosque, alio vero tempore terrae commissa egregia hortorum ornamenta exhibuerunt. Ast licet haec ita se habeant, tamen non negandum, multum in tempore sationis esse positum. Et quidem ideo, quo felicem proventum seminumque maturitatem obtineamus. Ad utrumque obtinendum finem horticultores et Botanici vernale in primis eligunt tempus, quo et calore artificiali et solis radiis nunc paullo efficacioribus terram ad excludenda semina magis aptam redderent, spatiumque sufficiens acciperent, quo planta ad autumnum usque crescere, et in annuis semina maturitatem, in perennibus vero, et arboribus in primis, radices, caulesque iustum robur obtinere queant. Verum enim vero reliqua etiam tempora negligenda non sunt. Dantur enim et nonnullae plantae, quarum semina frigidam potius amant terram, et vel sub niue progerminant, vel per hybernium tempus terra inclusa et emollita primo tandem vere vegetant atque excresecunt. De Primulis, et Auriculis praecipue, res notissima est, pluresque possemus nominare exoticas plantas, quae sua spargunt autumno semina, et primo vere praecoces exsurgunt, ut sunt Cerastrum connatum, Ballote Coronopi fol. Luteola, Staphysagria, Lathyrus odoratus, Acriuiola, Scabiosa ouina, Delphinium, aliae etiam, quae vernali tempore, omni adhibita cura, sata, nunquam, vel raro admodum, autumno vero terrae tradita felicissime progerminarunt, ut de Tribulo terrestri et Persicaria Nicotianae folio saepissime experti fuimus. Tribuli enim semina per decennium et quod excurrit Martio vel Aprili mense sata, unica modo vice excreuere, ast cum demum Iunio propullularent teneriores plantulae, flores quidem, nullos vero perfectos fructus tulerunt; semper vero ex illis, autumno sponte sparsis, seminibus Aprili mense novas plantas, fructusque copiosissimos accepimus. Et Persicariam nunquam nunc serimus, sed ex seminibus, autumno decidentibus, novas expectamus plantas, nec spes unquam fefellit. Haec autumnalis, vel ad finem aestatis instituta, satio in primis quoque magnam praestat utilitatem in illis plantis, quae in nostris hortis semina raro ad maturitatem perducere solent.



solent. Hinc iam nonnulli, Botanici inprimis, ex annuis bien-
nes facere, primoque anno flores retardare ac suppressere
quasi voluerunt, et cum quibusdam, vt *Molucca spinosa*,
res bene successit; si enim vernali iam tempore eiusmodi plan-
tarum propullulant semina, plantae per aestatem nimium ex-
crescunt, et, vel nobis etiam non volentibus, flores producunt,
vel per hyemem facile marcescunt; si vero tardius feruntur se-
mina, ante hyemem certo progerminabunt, et incrementum
mediocre obtinebunt, inque eodem statu per hyemem in hy-
bernaculis facile conseruantur, ac vernali tempore noua in-
crementa capiunt, florent et fructificant. Illarum itaque plan-
tarum, quae annuae sunt, et rarissime in nostris hortis fructus
perfectos ferant, vt est *Ketmia spinosa*, *Fagonia*, et s. p. serio-
rem hanc sationem vtilem atque proficuum esse, experientia
edocti, affirmamus. Praeterea etiam eiusmodi dantur semina,
quae propter inuolucris sui duritiem non facile emolliuntur,
sed diu potius in terra quiescunt, et sero tandem propullulant.
Et cum his eadem quoque instituamus experimenta, arbo-
rumque nostratium spontaneus exortus felicem promittit
euentum.

Tandem et modus, quo semina terrae committuntur, at-
tendendus erit. Ad duo vero hac in re inprimis respicien-
dum esse, putamus, partim scilicet ad ipsam terrae, cui semi-
na committimus, qualitatem, partim ad quantitatem terrae,
qua semina tegimus et quasi inuoluimus. Praeparationem
terrae variam, eiusque diuersam meliorationem nunc recense-
re, et de singulis illis modis seorsim dicere, nostra non fert in-
stituti ratio. Id modo monemus, optime praeparatam, re-
centique fimo calefactam terram non semper optimam esse.
Fallimur hac in re quotidie, et causam saepe, cur exoticarum
plantarum semina, fimetis indita, non progerminant, in bo-
nitate nimioque calore terrae quaerendam esse, existimamus.
Licet enim calor ille, et per fenestras externe, et per substra-
tum fimum interne excitatus, quandoque exclusionem plan-
tulae seminalis iuuet, quandoque tamen eadem vel terra ad-
huc inclusa, vel etiam iam e terra egressa inde comburitur,
consumiturque. De *Cheiranto*, *Leucoium dicto*, eiusque



annua inprimis specie id saepe cum damno experti fuimus, illamque methodum, a Cel. GROTIANO in *den Sommerbelustigungen* p. 77. propositam, ut minus artificiosam, ita et magis conuenientem, omnibus imitandam commendamus. Maiorem fere adhuc noxam experimur, dum terram, recenti fimo, et animalium lotio impraegnata, pro ferendis feminibus eligere solemus; Acris enim et caustica inde redditur terra, sphaceloque quasi corrumpuntur inde renellae enatae plantulae. Nolumus vero sic dictis caldariis et fimetis omnem vtilitatem denegare, absit ut ita statuamus, limitandam modo eandem esse, idque adnuculum pro vniuersali minime assumi debere, putamus. Immo ad euitandam maximam illam plantarum luem, pulices terrestres scilicet, saepe inferuire fimeta, experientia docuit, et in arborum nostratum quoque educatione maximum commodum praestare, certissime sumus persuasi. Possumus enim Quercus, Alni, et aliarum arborum semina fimetis tradere, et cum ibidem bene citroque progerminent, primoque anno altius excrecant, vel hoc, vel sequenti anno transplantare, et inde feliciorum earundem vegetationem, celeriusque incrementum expectare. Hanc methodum his inprimis temporibus, ubi ligna magis magisque deficiunt, omnibus, qui sibi et aliis bene consulere cupiunt, maxime commendamus, eosque monemus, velint ab haecenus vsitato syluestres ferendi arbores more sensim recedere, et in alieno loco enatas plantulas in alia, syluis exstruendis apta, transferre, et celerius certiusque incrementum ipsis conciliare.

Post sationem cooperienda sunt semina; et hac in re certum inuenire modum difficilis, ast magni momenti res erit. Multa si obruuntur terra semina, germinare quidem ea incipiunt, sed onere incumbente pressa foras exire, cotyledonesque et plumulam attollere neutrquam valent, potius abscondita putrescunt et consumuntur. Si autem leuius terrae stratum imponimus, illud facile vento, vel affusa aqua remouetur, semina denudantur, et iustum emollitionis gradum haud attingunt; vel si etiam leuiori hoc tegmine inclusa manent, tamen externis iniuriis, calore inprimis solis, vel asperiori aura in vegetatione



getatione turbantur, impediunturque. Haec autem licet ita vera sint, tamen nonnulla femina, inprimis quae maiora et densiora sunt, profundiorē, quae vero exigua, leuiora, et inprimis papposa existunt, minus altam, immo saepe nudam sationem postulant. Inter haec vero duo extrema multi intercedunt gradus. Et quicumque pro diuersa feminis constitutione hosce inuenire, et determinare potest, felicem messem certissime obtinebit. Causam quoque hac in re inuenimus, cur femina sponte sata feliciter excrescant, illis, quae nostra opera sparsa fuerunt. Haec causa erit, cur Persicaria, Tribulus, Cerastrum connatum et f. p. nostram sationem recusant, sibi ipsis vero commissa earundem femina nunquam non vberissime vegetent. Natura ita et hac in re monstrat nobis viam, eademque non admirari modo, sed imitari debet; hinc horticultores quoque non generalibus regulis tantum inhaereant, et speciales negligant, sed quantum fieri potest, specialem culturam omnium plantarum per experimenta discant. Nolumus vero hanc rem vltius prosequi, et singularem feminum culturam, quantum per observationes repetitas cognouimus, in praesenti exponere; Potius hic subsistimus, et ad commendationem Cl. Candidati progredimur.

Est ille

Nobilissimus ac Clarissimus

DN. GOTTLOB FRIDERICVS DOERINGIVS

Reichenbachio Variscus

Medicinae Candidatus Dignissimus.

Natus est noster Reichenbachii anno trigesimo secundo huius seculi die XV. mens. Augusti, Patre THEOPHILO DOERINGIO, Medicinae Doctore, et Physico apud Variscos Celeberrimo, ac Matre CLARA MARIA ex honesta stirpe Ackermannia. Sub pia educatione et paterna cura Parentum transactis infantiae annis, in patria praeceptores obtinuit fidelissimos, quos inter praecipue laudat M. GRIMMIVM, Rectorem patriae Scholae meritissimum. Tum naturali autem mentis propen-



propensione, tum exemplo optimi Patris permotus, ad medendi artem mature se applicuit, et in paterna officina Pharmaceutices artis optima et prima posuit principia, quae postea in illo, quod Gothae primarium satisque celebre est, laboratorio magis perfecit et illustravit. Patris dein nutu et voluntate ad patriam urbem anno quinquagesimo secundo rediit, et eodem Doctore Pharmaciæ partim ulterius tractavit, partim vero, et inprimis medicinae operam dedit, et omnes fere huius scientiae partes ex paterna institutione accepit. Adiit postea an. scil. quinquagesimo sexto Wittebergenses Musas, et privatissimas Scholas Excell. LANGGVTHII sedulo frequentavit, cui etiam optimo Praeceptoris et Patrono pro collatis in se beneficiis publicas persoluit gratias. Profectuum suorum iam eo tempore Ordini nostro specimen exhibuit, et in Examine, quod pro Praxi dicitur, bene stetit. Quo superato iterum ad natalem locum transit, praxin medicam sub paterna manu ductione exercitaturus. Cum itaque maturatis profectibus in animum induxerit, capeßere honores promeritos, ad nos rediit, alterumque examen cum laude sustinuit.

Dignus itaque inuentus est, cui aditus ad summos in arte nostra honores acquirendos aperiretur. Sub meo igitur Praesidio d. V. Mens. Növ. Dissertationem de virtute loci natalis in Vegetabilia publice defender. Vos autem, PROCERES ACADEMIAE GRAVISSIMI, PATRONI, ET FAVTORES, GENEROSIQUE ET NOBILISSIMI LITTERARVM STUDIOSI, vt Panegyri frequenter adesse, et nostris laboribus favere velitis, quanto studio et debemus et possumus, officiosissime rogamus.

VVITTEBERGAE

PRELO EPHRAIM GOTTLOB EICHSFELD

ACADEMIAE A TYPIS.